



La Cjase des Paveis si cjate a pene jentrant tal paîs di **Bordano**, in **vie Canada 5**.

De jessude autostradâl Glemona – Osôf, cjapait viers Nord (Vençon, Tarvis). Dopo pôcs minûts, zirait a man çampe viers Bordano, Cjavaç, Trasaghis (o cjatais ancje lis indicazions “Casa delle Farfalle”). Une volte passât il puint sul Tiliment, zirait a diestre viers Bordano.



La educazion ambientâl e jude a fâ sù une societât sostignibile midiant de formazion de cidadinance e de promozion di comportaments cussients. E facilite la creazion di un rapuart empatic tra lis personis e l’ambient. E jude i singui e i grups a ricostruî un sens di identitât e a tornâ a cjapâ possès des propriis lidrîs. Al è un strument par svilupâ il sens di responsabilitât viers la “roba publiche” e par slargjâ la culture de partecipazion, creant un rapuart afetif tra lis personis, la comunitât e il teritori. **La educazion ambientâl e prepare i fruts ae vite, ma e cjape dentri ancje dutis lis gjenerazions**, su la fonde dal principi che ognidune e à alc di imparâ di chês altris.

O sin vierts **ogni di**
dal prin di **Març** ai **31 di Otubar**

Març e Otubar

lunis - vinars **9-17**
sabide, domenie e festîfs **9-19**

Avrîl - Setembar

lunis - vinars **9-18**
sabide, domenie e festîfs **9-19**

la cjase des paveis pe scuele

Casa delle Farfalle di Bordano

Via Canada 5
33010 Bordano

tel +39 0432 16 36 175

+39 344 23 45 406

fax +39 0432 03 00 69

info@bordanofarfalle.it

www.bordanofarfalle.it

[bordanofarfalle](http://bordanofarfalle.it)



ARLÉF
AGENZIE
REGIONAL
PE LEMBE
FURLANE


Farfalle nella testa 2016
www.farfalle.net/aresia.it



casa delle farfalle
di Bordano

un planet di paveis

il zîr dal mont intune ore o pôc di plui



Prime di jessi simiis o sin stâts retii, e prime inmò pes. Lant denantdaûr dal nestri arbul gjenealogjic, prime o dopo o cjatarin **un antenât antîc di indulà che a àn vude origjin ancje lis paveis**. O dividin cun lôr une buine part de nestre storie e tancj aspiets de nestre esistence. Cognossi miôr lis paveis al vûl dî cognossi miôr ancje cualchi part di nô stes.

La visite e previôt un percors vuiddât drenti de mostre “4 vitis, 1000 storiis” li che, jenfri grandis imagjins a plene parêt e scjatulis entomologjichis, si conte di invertebrâts e in particolâr di paveis, de lôr anatomie e fisiologjie, des abitudins, de alimentazion, de riproduzion, dal cicli di vite e des strategiis di difese. Po dopo, drenti des sidreris al va indenant il “zîr dal mont” des paveis, fûr pal bosc tropicâl de Afriche, de Asie e de Amazonie, osservant i animâi dal vîf.

III, IV e V an de scuele primarie
scuele secundarie di prin grât
scuele secundarie di secont grât



1h
15m

zoologjie
ecologjie

la vite straordenarie di Rosa e Emilio



Rosa la mariposa e Emilio il papilio nus contaran cemût che e nas, che e cres e che e vîf une pavee, la lungje spiète e lis tantis trasformazions prime di diventâ adults. Stant daûr de conte animade, o rivaîn a cognossi **cualchidun dai segrets platâts tal mont straordenari dai insets**, capintint la ricjece e la complessitât. E ae fin, duj tes sidreris a viodi dal vîf il svol des paveis!

Massime tai fruts plui piçui, par che l'aprendiment al sedi plui eficaç al è impuartant aplicâ metodologiis educativis che a stimolin la fantasie, il divertiment e la curiositât. In chest sens, il teatri di figure cul ûs di marionetis al è un strument valit, che al jude la comprension dal cicli di vite di un dai insets plui bieî, la pavee. Dopo la conte teatrâl o visitaîn lis sidreris par osservâ lis paveis di mil colôrs.

scuele de infanzie
I e II an de scuele primarie



1h
15m

zoologjie
ecologjie

oms e lâts

il Lât di Cjavaç e la vite dulintor



L'om e la nature si influencin un cul altri. Cjamingant ator dal lât, o cirarîn di discuvierzi i indizis dai cambiaments tal paisaç realizâts dal om e la grandiose opare de nature sul nestri teritori. O impararîn curiositâts sui animâi che a vivin il lât, o scuvierzarîn plantis che a nassin spontaniis e altris esotichis che a son rivadis di paîs lontans.

Il percors che o fasaîn cun cheste jessude tal ambient si disglagne dilunc lis rivis tranquillis dal Lât di Cjavaç (cognossût ancje tant che “Lât dai Trê Comuns”) che al è il bacin idric naturâl plui grant dal Friûl Vignesie Julie. Dilunc la zirade, si resonarà su la evoluzion gjeologjiche de aree, sul ecosisteme lacustrî, sul teme dal paisaç naturâl e dal paisaç costruît, viodint cemût che lis ativitâts umanis a modifichin l'ambient e cemût che di bande lôr i events naturai a influissin su la nestre vite. O sieraîn la esperience cun moments dedicâts al zûc e a contâ i mîts e lis liendis leadis al bosc.

scuele primarie
scuele secundarie di prin grât
I e II an de scuele secundarie di secont grât



3h

zoologjie, ecologjie,
botaniche, gjeologjie,
storie, gjeografie